



Broj: 09-14-15756-7/17
Zenica, 11.12.2017. godine

Na osnovu člana 70. stav (4), a u vezi sa članom 69. stav (1) tačka d) Zakona o javnim nabavkama („Službeni glasnik BiH“, broj 39/14), ministar za rad, socijalnu politiku i izbjeglice Zeničko-dobojskog kantona, donosi

ODLUKU
o poništenju postupka javne nabavke

Član 1.

Poništava se postupak javne nabavke usluga po Konkurentskom zahtjevu za izgradnju i rekonstrukciju mjesnog vodovoda Vitlaci, općina Žepče koji je objavljen na Portalu javnih nabavki dana 20.11.2017. godine pod Obavještenjem broj:1312-7-3-1-3-17/17.

Član 2.

Ova odluka stupa na snagu danom donošenja i bit će objavljena na web-stranici Zeničko-dobojskog kantona (www.zdk.ba), istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 09-14-15756/17 od 16.11.2017. godine. Javna nabavka je sprovedena putem Konkurentskog zahtjeva za dostavu ponuda koji je objavljen na Portalu javnih nabavki 20.11.2017. godine pod brojem 1312-7-3-1-3-17/17. Procijenjena vrijednost nabavke iznosi 28.801,00 KM bez PDV-a, a kriterij za dodjelu ugovora je najniža cijena tehnički zadovoljavajuće ponude.

U ostavljenom roku da dostavu ponuda pritigle su dvije ponude, i to:

1. Ponuđača „TABAKPLAST“ d.o.o. Tomislavgrad,
2. Ponuđača „TING“ d.o.o. Žepče.

Komisija za provođenje postupka javne nabavke imenovana Odlukom ugovornog organa broj: 09-14-15756-2/17 od 22.11.2017. godine izvršila je dana 30.11.2017. godine javno otvaranje ponuda o čemu je sačinila Zapisnik sa otvaranja ponuda i istu dostavila ponuđačima.

Ponuda ponuđača „TING“ d.o.o. Žepče vraćena je neotvorena ponuđaču budući da je Komisija prije otvaranja ponuda konstatovala da ponuđač „TING“ d.o.o. Žepče nije preuzeo tendersku dokumentaciju sa Portala javnih nabavki odnosno da se isti ne nalazi na Izvještaju preuzetom sa Portala o ponuđačima koji su zvanično preuzeli tendersku dokumentaciju. Također je konstatovano da se ovaj ponuđač nije obratio ni ugovornom organu zahtjevom za preuzimanje tenderske dokumentacije. Komisija je konstatovala da ovaj ponuđač nije preuzeo tendersku dokumentaciju ni na jedan od zakonom predviđenih načina koji su bili ponuđeni od strane ugovornog organa, te je sa tim obrazloženjem neotvorena ponuda vraćena ponuđaču.

Komisija je na zatvorenoj sjednici izvršila provjeru formalne ispravnosti sadržaja jedine preostale ponude ponuđača „Tabakplast“ d.o.o. Tomislavgrad, te na Zapisniku o pregledu i ocjeni ponuda od broj: 09-14-15756-4-2/17 od 01.12.2017. godine konstatovala da ponudač nije kvalifikovan iz razloga što Izjave iz Aneksa III, IV, V i VI nisu datirane, nisu potpisane od strane ponuđača, niti su ovjerene pečatom ponuđača kako je to traženo u tenderskoj dokumentaciji.

Slijedom naprijed navedenog, Komisija je jednoglasno konstatovala da je ponudu ponuđača „TABAKPLAST“ d.o.o. Tomislavgrad potrebno odbaciti kao nepotpunu u skladu sa članom 68. stav (4) tačka i) Zakona o javnim nabavkama („Službeni glasnik Bosne i Hercegovine“, broj 39/14), što je ugovorni organ i učinio Odlukom o odbacivanju ponude broj: 09-14-15756-6/17 od 06.12.2017. godine.

Ponuđač „TABAKPLAST“ d.o.o. Tomislavgrad nakon što je zaprimio Odluku o odbacivanju ponude, pismeno je aktom od 07.12.2017. godine obavijestio ugovorni organ da se odriče prava na žalbu po predmetnoj odluci.

Cijeneći sve naprijed navedeno, a s obzirom da se jedini ponuđač odrekao prava na žalbu, odlučeno je kao u tački 1. dispozitiva ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa- Ministarstvo za rad, socijalnu politiku i izbjeglice Zeničko-dobojskog kantona, ulica Kučukovići broj 2, Zenica, u roku od 10 (deset) dana od dana prijema ove odluke. Žalba se podnosi u najmanje tri primjerka.

Dostavljeno:

2 x Ponuđači;
1x Web stranica
1 x a/a

